

106 34
DEO OPTIMO MAX.

UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS,
manè discutienda, in Scholis Medicorum, die Jovis decimæ-octavæ mensis
Februarii, anno Domini M. DCC. LXVIII.

*M. NICOLAO JEANROY, Regii Medicorum Collegii Nancejanorum, Socio
honorario & Chirurgiæ Gallico idiomate Professore, Doctore Medico Præsidente.

An quandiù serpit Gangræna, etiã à causis externis, amputatio non tentanda ?

I.



ITÆ summa brevis quot pater insultibus! Quot mala undique præludunt
funeri! Inter ea, non sæpius ullum quàm Gangræna, quæ post exquisitos cru-
ciatus, partem ex rubro in pallidum, & è pallido in lividum colorem con-
versam, hæcressentem, sensu prorsus destitutam, jamque sætentem abscondere
cogit. Tristè quidem remedium: Sed quid non patitur amor vitæ? Unica spes miseris,
fontem pro salute totius corporis partem devovere. Saltèm, si prosperè succederet semper
tàm miserandum auxilium. Sæpiùs enim præmaturè instituta Amputatio, Chirurgis malè
cessit plurimis. Hinc artem, potiùs quam suam imprudentiam incusantes, tot infausta-
rum operationum causis non ritè perpensis, scalpellum ferreamque projicere voluerunt*:
Dùm interdùm quidam sub felicioribus auspiciis eadè operatione quandòque mirabili
successu exercentes, renuentes animos de novo excitârunt. Nec mirum: Illi laudabili
quidem, sed parùm consulto, sanandi desiderio delusi, cohibere serpentem Gangrænã
incausum sperabant. Non proscòto feliciores qui partem corpori necessariam, à morbo-
que sæpius non laceffendam, solo viciniæ titulo plusquam prudenti severitate secuerunt.
Soli felices, etli non prævixit tam prosperâ fortunâ, qui, limitibus malo à naturâ jam cir-
conscriptis, operationem instituere. Adeo verum est in omnibus prosperè succedere Me-
dicinam, quoties monstrantis viam Naturæ vestigiis insistit, aut fida comes illius motus
observat & oblatas indicationes adimplet. Gangræna, quam mortem partis non malè dixe-
ris, sub duplici respectu considerari debet: Vel ut incipiens, & eam cum Galeno defi-
nire juvat, (præsertim quæ à causis externis oritur,) mortificationem non quidem fac-
tam, sed quæ sit, ob magnitudinem inflammationis; vel cum eòjam processit ut pars cor-
ruptione extincta & emortua sit, vitâ supersit in reliquis, tunc sphacelus audit. Sua in
unoquoque gradu medela; Extremum remedium Amputatio. Sed ad secundum raro &
inviti, deveniamus: nec unquam, si alia supersit adhuc Medicina.

*Sharp. Re-
cherches cri-
tiques sur la
Chirurgie,
chap. 17.

II.

HORRENDÀ & carnificina foret illa Medicina, quæ ex causis & effectibus morbi
leximum non dijudicans, auxilium, prout promptius licet anceps, in ferro & sanguinis pro-
fluvio haberet; dum è contrâ ex eodem retardato detur spes certior salutis. Medici non so-
lum est considerare, quid ferat Natura, ut onus sublevare tenter; sed etiã quid ferre
cogit, ne eam in operationibus suis perturbet, aut intempestivè deserat. Quamvis sola
quandoque sui ipsa medicatrix, sæpiùs tamen vi morbi opprimeretur, nisi auxiliatricem

*Th. Auct. an. 1762.

manum afferret. Medicus Hoc probant plures observationes, in quibus linea suppuratoria sponte in ambitu partis sphacelo corruptæ enata, mortuum à vivo separavit; tardè quidem: Citiùs enim & certius arte promoveri potuisset. Sæpius autem male successisse amputationem probant recentiorum & veterum Historiæ, contraria eorumdem circà locum sectionis opinio, necnon quotidiana experientia. Hippocrates, Galenus & omnes veteres ad Hildani usque tempora, in parte mortuâ vel secandum esse contendebant. Celsus, & post eum omnes Recentiores proximè ad partem mortuam instituendam esse amputationem proclamant: Et inter eos Scultetus primus gloriatur, se manum sphacelo tentatam, in radii & cubiti capitibus sanis, cum prospero eventu, amputare ausum fuisse. Scientiarum & artium incrementis semper obstiterunt præjudicata: opiniones. In omnibus morbis faustorum & infaustorum diversa ratio expetenda est à causis & earum effectibus: Ex iis folis recta potest institui medendi methodus. Gangræna est humida vel sicca; utriusque speciei causæ innumeræ dividuntur in internas & externas. Hæ, circà quas potissimum versatur nostra propositio, corporum externorum injuriarum agnoscunt. Inter eas præcipuæ sunt, percussiones, collisiones, vulnera graviora nervorum, tendinum, vasorum, membranarum, læsiones, ossium fracturæ, fissuræ, luxationes, compressiones, frigus ingens, &c. Internæ verò prævæ humorum diathesi, eorumdem acrimoniæ, circuitui sanguinis abolito, uti in provectâ Senectute, &c. adscribuntur. Levissima circà has causas consideratio superabundè probabit, non scalpello, ferrâ, vel ligne, inflammationem longè ulterius sæpè progressam sedari posse, vel & ipsa Gangræna semina penitus destrui: nec operatione etiâ rite administratâ tolli posse, causam internam morbi, dilucidè & circà omnem objectionem probaverunt celeberrimi hujusce Scholæ Magistri. * Quid tandem? Unum sibi proponit Medicina, partem scilicet mortuam à vivâ resecare, ut reliquis liceat securum vivere membris. Quem finem si non attingat, operatio erit infasta, ad minimum inutilis, sed sæpè exitialis & semper atrocissimo dolore lugenda. Extra temeritatis aleam ponet operantem linea suppuratoria in ambitu partis sphacelo corruptæ exortas haud secus ac cælestis arcus procellâ jactatæ navî asurgens, periculi finem portendit, & finit vela dari melioribus auspiciis.

* MM. Joannes Belfi, Bernardus de Justieu, &c.

I L I.

SANGUIS intrâ sua vasa contentus, coactus, diutius aservatus, fermentatione quâdam ad dissolutionem corruptivam vergit. Eundem extrâ vasa effusum, stagnantem, rupto circulationis filo, nullo alioquin antea existente humorum vitio, unâ cum vasis omnis generis in putridum liquamen abire nôrunt omnes. Cunctæ igitur partes in quibus coactus, stagnans marcescet, eodem malo infici poterunt, & eò certius quò partes illæ majori sensibilitate donatæ & ad inflammationem magis pronæ, difficilîus vel resolutione, vel suppuratione liberantur; ipsa tandem Gangræna semina sæpè ulterius progressa, eò judicari difficiliora quò partes illæ altiores insigunt radices, & solertem effugiunt medentis operam. His omnibus attento animo perpensis, unus aut alterius causæ dilucidatione evidenter patebit propositionis nostræ veritas, remque demonstrabit brevis graviorum collisionum historia. (Leves enim rarissimè tanto remedio indigent.) His sæpius leduntur omnes partes membrum confluentes, ne ossibus quidè exceptis. His confusis, sed non fractis, vasa quæ inter lamellas ossis fabricam constituentes decurrunt, vel comprimuntur, vel penitus destruantur: tunc hæ lamellæ influxu vitali deorbatae necessariò separari debebunt. Disruptis tenerrimis vasis succum medullarem vehentibus, oleum istud rancidum fit, & acrimoniâ acquirendo os totum cariosum reddit. Felix sanè, qui reliquis partibus aut sanis, aut ad sanitatem restitutis, tam gravibus affectibus sæpiusque immedicabilibus certam amputatione medelam afferet. Sed & non minis portentosa post se trahere alias partes collatas phænomena, edocebit eorum natura, positio, & observatio. Periosteum, membranas, nervorum, tendinum, vasorumque vaginas exquisitissimo sensu donati probat eorum textura. Fibris enim innumeris vario ordine positis, & arctissimè unitis consantur, quarum nulla fieri potest divisio aut dilaceratio sine atrocissimo dolore: Vasis præterea omnis generis irrorantur, in quibus eò difficilior est resolutio, vel suppuratio, quò tenuiora sunt & magis contracta. His duæ

bus de causis adangetur obstructio, propagatur inflammatio. Partes illæ præterea, vel ossa immediatè involvunt, vel juxta ea repunt; vel tandem plerisque si non omnes partis musculos, & unamquamque fibrâ involvendo, à trunci infimâ parte ad pedem usquè perrepere & cum aliis communicare, demonstrat Anatome, uti v. g. in fasciâ Iarâ. Non mirum igitur si hisce contusis, aut vulneratis, partes à loco læso maximè distitas suffocitas fuisse observatum fuerit. Nec his effectibus repugnat aliarum causarum, phenomenorum-
vè explicatio. Ex his celebrandâ iterùm amputationis diram necessitatem argue. Quis igitur his ritè pensatis, pustulam ichore flavo, vel subrubello plenam, solum panniculum adiposum occupantem, sectionis locum assignare audeat? Nec vanæ considerationis sunt, Gangrænæ femina quæ non penitus ablata fuerunt, aut magnæ suppurationes, tristes reliquæ inflammationis non sedatæ, quæ partis cæteræ carnes depascendo, ossis extremitatem denudant. Factâ in ambitu partis sphacelo correptæ suppuratione, tot adversorum casuum metus evanescit. Prudenter igitur naturæ edocenti obtemperemus, divitiisque artis cautè opitulemur, ne curatio vulneris gravior ipso vulnere fiat.

I V.

CELERITAS quâ serpens Gangrænâ vicinas partes labe suâ inficit, naturalis horror à destructâ parte proveniens, non mirum si olim ægrum & medentem pari formidine perculsos consilii inopes fecerint. Hinc temerè & inconsultè instituta operatio: Hinc tandiù neglectæ notiones quæ ex repetitis observationibus & naturæ consideratione ultrò decurrebant. Multa tam-
n apud Auctores prostant exempla partium vitæ redditarum quas Gangrænâ jam occupaverat. Boherravius talem casum narrabat auditotibus suis (a). Chirurgus non infimè nixæ ad vitam revocavit brachium ab icu baculi penè emortuum (b). In operationibus Bubonocæles quid vulgarij quàm intestinum lividum aspectuque fœdum, tamèn in proprias sedes repositum, revalescere? Non minis constat ex plurimis observationibus, solius vi naturæ partes sphacelo sideratas à vivis separatas fuisse. Sic artus ab urenti frigore Gangrænâ correptos spontè separari vident hyperboræ Gentes. Sic homini bonæ temperiei in parte mediâ interna & inferiori brachii dextri vulnerato, brevi postea cubitus fide atus apparuit, totaque pars interna brachii usquè ad distantiam quatuor digitorum transversorum ab axillâ nudata, cum aliis partibus corruptis secessisset (c). Talia benè multa legere est apud innumeros auctores (d). Quis post tot observationes desperet, si arti vis naturæ uniatur, exoptandum finem attingi posse? Feret omne punctum, qui in his potissimum duobus sedulò immorabitur: vel partem emorientem ad vitam revocare tentabit; vel si planè sit curationis expes, conclamatam à sincerâ rescinderet. In primo casu duo indicantur: 1^o. Operæ pretium est inflammationi obflare, procul amovendo quæcumque illam fovere possunt, v. g. corporum externorum, si quæ sint, extractione, sedando sanguinis impetum, nimis æstuantem compescendo, debitam liquidis fluiditatem conciliando, exlegem solidorum tensionem minuendo, partes tandem constrictione suffocatas relaxando. 2^o. Partes languidas refocillare & ferè extinctam in parte vim vitæ revocare opus est, humorumque stagnantium corruptio præcavenda. Hæc omnia præstant, pro re natâ plus aut minus iteratæ sanguinis missiones, diluentia interna, medicamenta antiphlogistica, non neglectis circum fomentis modè emollientibus, modò spirituosiss & resolventibus, modò tandem partes quasi constrictione strangulatæ scalpello solventur. In altero casu, si morbus ultimum gradum attingerit, Medicina spem vetat abjicere omnem. Tunc in eo totus cardo versatur, ut pars emortua à vivâ separetur. Mutuam autem cohesio nem dirumpere nil efficacius valebit quàm inducta conterminis partibus suppuratio. Cum enim suppuratio sit inflammationis terminus prægangrænâ exoptandus, eo ducere oportet viciniam partis sideratæ. Si vigeat igitur inflammatio, prædictis auxiliis minuenda, aut si langueat, excitanda; tuncque juvant tonica, cardiaca, & mira præstat internus Kinakinæ ulus.

V.

AMPUTATIONEM determinavit ab omni ævo inducta opinio succorum gangrænâ insectorum præsentia, pari labe vicinas partes immedia è infici. Sed vanum, terrorem arguit deductum ex ipsius rei naturâ ratiocinium. Vitiatos & quantumlibet pu-

(a) Va-
viet. Co-
mant. in A-
338. p. 55

(b) La M-
te, Tom. I
p. 49.

(c) Duv-
nal, in A-
tis Acad-
Scienc. an-
1702.

(d) B-
Belloit, C-
rurg. d'1
pi. cap.
pag. 282.
Motte, T
III. p. 36

tres succos vicinis partibus gangranam adducere quis putet, nisi in sanas carnes irrepant, sincerisque humoribus immisceantur? At verò qui fiet? Si putridi succi datà portà foràs liberè diffuant, ut accidit naturæ beneficio, sacificationum ope, quarum tunc mirabilis effectus modo ad vivum usque non producantur. Item si vigeant carnes vicinæ, & quasi injectis catenis, vis eorum tonica omnem malo aditum præcludat. Tunc gangrænæ levis erit actio in partes vicinas, tunc graves eò recident minæ ut suppuratione excipiendâ enascatur inflammatio. Hujus beneficio magis adhuc excitata partium vis tonica quâ pus extrorsum pellitur, eo ipso cum gangranodeis omne vetabit commercium. Non jam putribus succis labem intrò ferre licebit in partes quarum nullus dabitur contactus, sicque æger tutus erit ab ulteriùs progredientis gangrænæ periculo. Nec dicant ex partis sphacelo correptæ infesto odore grave periculum aut ipsam mortem ægro imminere, dùm expectat tardè festinantem suppurationis operam. Cùm enim partes sideratæ sint vitæ prorsus inutiles, imò noxiæ, nihil vetat partis conclamatæ portionem maximam ferro abscindere: superstitem contegant lineæ spiritu vini madida, sicque evanescit periculum. Ast objiciunt moram temporis elapsi, antequàm optata maturescat suppuratio: sed frustra; si certiorum detur ex ipsâ morâ spem salutis concipere. Et reverà quidè, quæ priùs inculcata erat humorum crasis per morbi decursum debuit vitari, aut saltè à recto paulùm deflectere & immutari ab atrocitate dolorum, somni & quietis defectu, febris excandescentiâ, diversis tandèm morbi symptomatis & effectibus. Frustrà enim bonum speraveris operationis eventum, antequàm diætâ convenienti & analepticâ suæ reddantur humoribus dotes balsmicæ. Hæc omnia requisita cùm præstitit Medicus sat citò operationem præcipit, Chirurgus tutiùs operatur, æger tandem confidentiùs necessariâ operationi sese committit, & funeratæ sui ipsius parti superstes redditur.

Ergò quamdiù serpit Gangrena, etiàm à causis externis, amputatio non tentanda.

DOMINI DOCTORES DISPUTATURI.

M. Ludovicus Alexander
CEZAN.

M. Joannes-Baptista LAN-
GLOIS.

M. Henricus RAYMOND.

M. Carolus-Nicolaus d'ESLON.

M. Andreas-Blasius PELEE DE
VALONCOURT, Regia Socie-
tatis Agrariæ in Præfectura
Parisiensi Socius.

M. Antonius-Joannes-Baptista-
MACLOVIN GUENET.

M. Stephanus POURFOUR DU
PETIT.

M. Paschasius BORIE.

M. Florentius-Carolus BEL-
LOT, Professor Regius.

Proponebat Paridiis JOANNES-BAPTISTA-EUGENIA DUMANGIN, Castro-Theo-
doricus, Doctor Medicus Bisuntinus, Saluberrimæ Facultatis Medicinæ Parientis
Baccalaureus. A. R. S. H. 1768. à sextâ ad meridiem.